

欽定天文正義

欽定天文正義卷五十三

客星占

客星占

晉書天文志客星張衡曰老子四星及周伯王蓬絮芮各一錯乎五緯之間其見無期其行無度

隋書天文志客星者周伯老子王蓬絮國皇溫星凡五星皆客星也行諸列舍十二國分野各在其所臨之邦所守之宿以占吉凶凡客星見其分若留止即以其色占吉凶星大事大星小事小星色黃得地色白有喪色青有憂色黑有死色赤有兵各以五色占之皆不出三年又曰客星入列宿中外官者各以其所出部舍官名為其事所之者為其謀其下之國皆受其禍以所守之舍為其期

玩占作所守以五氣相之日為其期

賊者為其使

觀象玩占客星者非常之星天皇大帝之使以告咎罰者也其出也無恒時其居也無定所忽見忽沒或行或止不可推算寓於星辰之間如客故謂之客星為善為惡所主不同觀其所出之日所寓之舍以占何國視其五色以占何祥大抵星大者事大星小者事小守日多者事久而禍深守日少者事亟而禍淺行遲者應遲行遲者應遲其色青則為憂赤則為旱為兵為火白則為喪黑則為水為病黃則為土功亦為有喜芒角則為兵戰

晉書天文志周伯星黃色煌煌所至之國大昌

隋書天文志周伯大而色黃煌煌然見其國兵起若有喪天下饑衆庶流亡去其鄉

瑞星中名狀與此同而占異

老子

隋書天文志老子明大色白淳淳然所出之國為饑為凶為善為惡為喜為怒常出見則兵大起人主有憂王者以赦除咎則消災

王蓬絮

晉書天文志蓬絮星色青而熒熒然所至之國風雨不節焦旱物不生五穀不登多蝗蟲

隋書天文志王蓬絮狀如粉絮拂拂然見則其國兵起若有
飛白衣之會其邦饑亡

國皇

隋書天文志國皇星出而大其色黃白望之有芒角見則兵
起國多變若有水饑人主惡之衆庶多疾

溫星

隋書天文志溫星色白而大狀如風動搖常出四隅出東南
天下有兵將軍出於野出東北當有干旦暴兵出西北亦如
之出西南其國兵喪並起若有大水人饑又曰溫星出東南
為大將軍服屈不能發者出於東北暴骸三千里出西亦然

觀象玩占右隋志所載五客星其國皇星與妖星國皇名同而狀異周伯星與瑞星周伯名狀皆同而占異今並存之

按晉志客星老子周伯王蓬絮三星外又有盜星種陵天狗女帛四星隋志則周伯老子王蓬絮三星外有國皇溫星二星而盜星種陵天狗女帛四星則入於妖星玩占本隋志今從之

欽定天文正義卷五十四

流星占

流星占

爾雅奔星為杓約刑曷䟽奔星即流星也一名杓約

隋書天文志流星天使也自上而降曰流自下而升曰飛大者曰奔奔亦流星也星大者使大星小者使小聲隆隆者怒之象也行疾者期速行遲者期遲大而無光者眾人之事小有光者貴人之事大而光者其人貴且衆也乍明乍滅者賊敗成也前大後小者恐憂也前小後大者喜事也蛇行者姦事也往疾者往而不反也長者其事長久也短者事疾也奔星所墜其下有兵無風雲有流星見良久間乃入為大風發屋折木小流星百數四面行者庶人流移之象流星之尾

長二三丈暉然有光竟天其色白者主使也色赤者將軍使也凡星如甕者為發謀起事大如桃者為使事

宋史天文志自上而降曰流東西橫行亦曰流流星有八曰天使曰天暉曰天鴈曰天保曰地鴈曰梁星曰營頭曰天狗流星之為天使者有祥有妖為天暉天鴈夜隕而為天保則祥若夜隕而為地鴈梁星晝隕而為營頭則妖流星之大者為彗星夜隕而為天狗厥妖大自下而上曰飛飛星有五亦有妖祥之分飛星化而為天刑則祥為降石為頓頑為解銜銜為大瀆則為妖

觀象玩占流星者天皇之使五行之散精也星大則其事大

星小則其事小大者禍深小者禍淺出則內使出入則外使入也小而多者庶民也甚大者大貴人也又曰絕跡而去曰奔光跡相連曰流有所干犯奄滅則為誅罰之象宜以五色占之

天保

隋書天文志流星有光其色黃白從天墜有音如炬火下地野雉盡鳴天保也所墜國安有喜

開元占雉書曰飛星大如缶甕而行絕迹色如煙火墜名曰天保此星所往者其分受福有利若有言事期不出年

地鴈

隋書天文志小流星色青赤名曰地鴈其所墜者起兵

天鴈

隋書天文志流星有光青赤其長二三丈名曰天鴈軍中之精華也其國起兵將軍當從星所之

梁星

隋書天文志流星大如缶其光赤黑有喙者名曰梁星其所墜之鄉有兵君失地

頓頓

隋書天文志飛星大如缶若甕後皎然白前卑後高此謂頓頓其所從者多死亡削邑而不戰

降石

隋書天文志飛星大如缶若甕後皎然白前卑後高搖頭乍上乍下此謂降石所下民食不足

解銜

隋書天文志飛星大如缶若甕後皎白星滅後白者曲環如車輪此謂解銜其國人相斬為爵祿此謂自相齧食

大滑

隋書天文志飛星大如缶若甕其後皎然白長數丈星滅後白者化為雲流下名曰大滑所下有流血積骨

天刑

隋書天文志飛星大如缶若甕後皎然白綬綬然長可十餘丈而委曲名曰天刑一曰天飾將軍均封疆

營頭

晉書天文志營頭有雲如壞山墮所謂營頭之星所墮其下覆軍流血千里亦曰流星畫墮名營頭

觀象玩占大流星墜於軍上謂之營首亦曰營頭之星不有破軍必有死將圍城而有星落城上者城破

大姦

觀象玩占流星大如缶若甕中天洩尾者名曰大姦下有流血大臣起謀百姓悲吟天下大亂

流星雜占

觀象玩占、流星有芒角有聲者怒也、以色占其言凶、以日辰及所起所止占其處、大抵色青為憂、為饑、色赤為兵、為旱、色白為刑獄、亦為兵事、色黑為疾病、為死喪、為水災、色黃潤澤則為喜、不則為土功事、又以日時休囚、王相兼言之、流星尾長二三、又暉暉然有光、竟天、其色白者、人主使也、色赤者、將軍使也、視星所之、知使所之、流星大如月、暉暉然有光、白色長、竟天者、人主之星也、上相將軍、兵從星所之、流星色青赤、墜下有聲、羣鳥驚鳴、野雉盡雊、有光照人、其下有大戰、積尸流血、流星前如盤、在後皎然白、欲入時施施如散金、其所入

宿受福。流星色赤，後圓如車輪，所之之國有心，其將有外心。流星色黃，其後如一匹練，所之國有喜益地。流星甚大，色青赤，光照地四旁，若有赤光所至之地，五穀不成，人饑。流星夕見前，赤後白，大臣欲謀國，陰發使也。視其所止，占其所通之國。流星夕墜，光耀天下，照垣牆皆明也。者所墜分野有大兵起。一曰有霸王，其所下有流血，其分大疫。流星入漢，八角散者，帝王欲發大使宣討四方。一曰八道賊起，欲散他邑。一曰有卿相欲走之外國。流星前赤後黑，客軍敗。一曰從其軍上起者，其軍敗。流星六七枚，一時盡見下墜，其分大亂。兵起。流血一曰赤旱千里，百泉枯涸。石氏曰：流星紛紛交行不止，天

下兵饑人民流亡各去其鄉流星數百千枚四面行者人民
流徙也大星小星交錯而行者貴人與小民俱也流星交馳
絡繹相屬有急使奔馳道路流星從敵上徐徐來我軍上而
入者有間使來入我軍中流星蛇行來入我國或軍上者他
國有姦使來有所供獻勿信之流星先明後暗視其所起所
止有叛者自滅流星色赤所之之分有兵旱若炬如火光有
急令流星大白如粉絮光有尾者文臣為使赤濶者武臣為
使不炸為喜炸作聲為病為兵大流星半途破為二三復流
而沒此為一使出而又一使奔之也流星色赤從中天急走
入濁其所之方有火災流星有音或大或小或炸或不炸其

所至之地守臣憂之赤為口舌爭競白為喪為刑獄黑為病
為死青為憂撓黃潤則為有喜荊州占曰流星以人定至夜
半見者期一年夜半後至雞鳴期一月雞鳴後至平明期一
日石氏曰流星見甲子旬為東方丙子旬為南方庚子旬為
西方壬子旬為北方戊子旬為中央

欽定天文正義卷五十五

風占

風占

易經說卦傳風以散之 撓萬物者莫疾乎風

書經洪範休徵曰聖時風若 咎徵曰蒙恒風若星有好風

註好風者箕星

周禮保章氏以十有二風察天地之和命乖別之妖祥

禮記月令孟春之月東風解凍 孟春行秋冬茲風暴雨總

至 孟夏行春令暴風來格 季夏之月溫風始至 季夏

行冬令則風寒不時 孟秋之月涼風至 仲秋之月盲風

至 仲秋行冬令則風災數起 季秋行春令則煖風來至

孟冬行夏令則國多暴風

觀象玩占凡候風必於高平暢達之地立五丈竿以雞羽八兩為葆屬竿上候風吹羽葆平直則占亦可於竿首作槃作三足木為於槃上兩足連上而外立一足係下而內轉風來則鳥轉迴首向之鳥口銜花花旋則占之羽必用雞取其屬巽而能知時羽重八兩以象八風竿長五丈以法五音鳥者日中之精巢居知風鳥為其首也今按古書云立三丈五尺竿以雞羽五兩係其端羽平則占然則長短輕重惟取適宜不在過泥但須出衆中不被隱蔽有風即動直而不激便可占候羽毛必須五兩以上八兩以下蓋羽重則難舉輕則易平時常占候必須用鳥軍行權設取使用羽作葆之法取雞

羽中破之取其多毛處以細繩緊縛內中夾之長三四尺許
屬竿上其獨鹿扶搖四轉五復之風各以形狀占之 李淳
風曰巽為風風占災異最驗凡候風須築臺高二十四尺於
上設竿令其四達無隱則遠近皆知期尅不爽矣 凡候風
須明知八卦審定干支或上或下或高或卑俱無乖越然後
可驗今先定八干四卦十二支辰位總二十四分遞相衝破
即知風所發所止然後占之

風名狀

爾雅釋天南風謂之凱風東風謂之谷風北風謂之涼風西
風謂之泰風焚輪謂之類扶搖謂之焱風與火為彪颶風為

飄日出而風為暴風而兩土為霾陰而風為曠

觀象玩占李淳風曰按占風之家多云發屋折木揚沙走石

等語若每占中俱著此語其文至繁今輒以一家例之古云

發屋折木揚沙走石今謂之怒風多為不吉之象一日之

內三轉移方古云四轉五復今謂之亂風亂風者狂風不定

之象無雲晴爽忽起大風不經刻而止絕絕忽復起古云

暴風卒起乍有乍無今謂之暴風暴風主有卒暴事鳴條

擺樹蕭蕭有聲今謂之飄風善惡依經旨迅風觸塵蓬勃

古云獨鹿蓬勃今謂之勃風迴旋羊角古云扶搖羊角今

謂之回風回風者旋風也回風卒起而圓轉扶搖有如羊角

向上輪轉有自上而下者有自下而上者或平條長直或磨地而起總謂之迴風亦專有占 古云清涼溫和塵埃不起今謂之和風 古云暗冥昏濁寒飈者今總謂之霾晦 凡風和暢清悅溫涼適時埃塵不起人情恬澹是謂祥風 天色晦冥雲氣昏濁風聲寒慘埃壙蓬勃是謂災風 風勢紛錯交亂乍起乍止深藏難測其聲聒耳是謂小人魅惑風 風勢暴起南北不定離合氛埃是謂上下不寧風 風勢冥冥白日陰慘黃霧四合是謂政化未明風 風勢熾熾南北離亂高下蓬勃是謂大兵將至風 風勢凜烈人懷戰慄是謂刑罰慘刻風 風聲啾啾慘切令人悲慙為大喪風 風

聲欸欸如火奔馳乍起乍息為旱火風 連風冥晦四日五
日人皆悲傷為大水殺人風 凡吉祥之風日色清明風勢
和緩從歲月日時德上來或乘王相而來去地稍高不揚塵
沙人心喜悅是謂祥風人君德令下施之應 凡凶災之風
日色白濁天氣昏寒風聲叫怒飛沙捲塵棄刑殺而至當詳
五音定八方觀其起止占之

占風例

觀象玩占黃帝占曰凡風之動皆不安之象也若在山川海
濱空穴之間風所出處皆不可占之以為常式若在宮宅城
營之內戰陣之所風勢異常揚沙走石日光昏濁則必占之

凡鳴條以上怒風起止皆詳其五音與歲月日時刑德合
冲墓殺五行生克王相曰死以言吉凶仍以六情推之萬不
失一 凡年月日時四殺五墓風從上來白濁昏寒皆為凶
風其日三刑最急坐不及起有賊暴至若行即防伏兵平時
無兵防人謀害 凡年月日時刑殺五墓風起天色白濁日
氣昏寒興兵動衆逢之急整武備 凡惡風黑風三刑衝破
墓殺風當日有大雨及三日內大雨者其災皆散一曰宮風
當日雨微風三日雨羽風五日雨商風七日雨角風九日雨
但依日數得雨皆解 凡風袞雨及風後降雨皆雨氣也不
占 凡風從太歲上采鳴條擺樹而天色清爽日光明盛著


體清涼溫和者祥風也天子有德令法不私人大臣畏慎國
昌民安之象若風勢蓬勃揚塵蔽天著人寒慘日白無光兼
刑帶殺則為國有暴令月建為大臣日為令長時上來為民

凡風濕熱逼人著地走石吹沙鳴條落葉為凶風以日辰
占何國饑荒人不安風勢和緩不揚塵土氣色清溫日光皎
潔則以日辰占何國歲美人安凡風起歲月日時德上鳴
條落葉及宮日宮時天門乾上發風皆為吉風五音之日
風起歲月日時刑上黑色勃勃然經刻冥冥不見人形是謂
妖風宮日為君以下四日為大臣其分不熟民災以日占國
凡風起三刑而鄰於德不可分辨刑與德者以風言之德

風鳴條索索雖擺枝落葉乍起乍止而去地尺外不動塵埃
不揚沙石日光不變是謂吉風宜從吉占刑風著地吹塵漲
天轉石揚沙蓬蓬勃勃乍紫乍慢日光昏暗是謂凶風宜從
凶占凡風起止日時方位微多為火羽多為水商多為兵
為粟貴角多為疾疫宮多為吉須鳴條以上拔木揚塵吹沙
走石落葉擺樹乃占凡風發初遲後疾其來遠初急後緩
其來近動葉十里鳴條百里搖枝二百里落葉三百里折小
枝四百里折大枝五百里飛沙走石千里拔大木根五千里
凡鳴條以上皆百里風也凡大風非常滿三日三夜者天
下盡風也二日二夜半天下一日一夜者千里風也


德合刑殺五音六情諸例

干德




甲丙戊庚壬屬陽陽
德自處故甲德在甲
丙德在丙戊德在戊
庚德在庚壬德在壬
乙丁己辛癸屬陰取
所合陽干為德故乙
德在庚丁德在壬己
德在甲辛德在丙癸
德在戊

支德



子德在巳丑德在午
 寅德在未卯德在申
 辰德在酉巳德在戌
 午德在亥未德在子
 申德在丑酉德在寅
 戌德在卯亥德在辰
 以次順行前五辰是
 也歲月日時同

月德



寅午戌月德在丙、
 亥卯未月德在甲、
 申子辰月德在壬、
 巳酉丑月德在庚、

三合



亥卯未合木局
寅午戌合火局
巳酉丑合金局
申子辰合水局

六合

辰

巳

卯

未

申

子丑

子與丑合

寅與亥合

卯與戌合

辰與酉合

巳與申合

午與未合

于德合

吉
至

丙
巳

丁
巳

戊
巳

己
巳


甲與己合
乙與庚合
丙與辛合
丁與壬合
戊與癸合

歲月日時殺

壬午
癸未
甲申
乙酉
丙戌
丁亥
戊子
己丑
庚寅
辛卯
壬辰
癸巳


寅午戌殺在丑
巳酉丑殺在辰
申子辰殺在未
亥卯未殺在戌

吟呻殺




寅申巳亥月殺在酉、
子午卯酉月殺在巳、
辰戌丑未月殺在丑、

歲月日時刑



子刑卯丑刑戌寅刑巳卯刑子辰刑辰巳刑申午刑午未刑丑申刑寅酉刑酉戌刑未亥刑亥凡上層刑下層者為刑下下層刑上層者為刑上刑下者禍淺刑上來者災深自刑者兼刑上刑下其災尤深

五墓



亥卯未木墓在未
 寅午戌火墓在戌
 申子辰水墓在辰
 巳酉丑金墓在丑
 土墓在辰

干刑

甲子
乙丑
丙寅
丁卯
戊辰
己巳
庚午
辛未
壬申
癸酉
甲戌
乙亥
丙子
丁丑
戊寅
己卯
庚辰
辛巳
壬午
癸未
甲申
乙酉
丙戌
丁亥
戊子
己丑
庚寅
辛卯
壬辰
癸巳
甲午
乙未
丙申
丁酉
戊戌
己亥
庚子
辛丑
壬寅
癸卯
甲辰
乙巳
丙午
丁未
戊申
己酉
庚戌
辛亥
壬子
癸丑
甲寅
乙卯
丙辰
丁巳
戊午
己未
庚申
辛酉
壬戌
癸亥
甲子
乙丑
丙寅
丁卯
戊辰
己巳
庚午
辛未
壬申
癸酉
甲戌
乙亥
丙子
丁丑
戊寅
己卯
庚辰
辛巳
壬午
癸未
甲申
乙酉
丙戌
丁亥
戊子
己丑
庚寅
辛卯
壬辰
癸巳
甲午
乙未
丙申
丁酉
戊戌
己亥
庚子
辛丑
壬寅
癸卯
甲辰
乙巳
丙午
丁未
戊申
己酉
庚戌
辛亥
壬子
癸丑
甲寅
乙卯
丙辰
丁巳
戊午
己未
庚申
辛酉
壬戌
癸亥

甲刑戊乙刑己
丙刑庚丁刑辛
戊刑壬己刑癸
庚刑甲辛刑乙
壬刑丙癸刑丁

支衝




子衝午 午衝子
丑衝未 未衝丑
寅衝申 申衝寅
卯衝酉 酉衝卯
辰衝戌 戌衝辰
巳衝亥 亥衝巳

五音納音




宮數一為君為身徵數三
 為令為宗廟先人為鬼怪
 羽數五為物為境界為妻
 為財商數七為臣為子為
 僕角數九為事為病為死
 為喪 甲丙戊庚壬為五
 陽壬子午寅申辰戌為六
 陽支故其五音屬陽乙丁
 乙辛癸為五陰壬丑未卯
 酉己亥為六陰支故其五
 音屬陰

十二支屬五音



子陽宮土主帝王止陽徵
 火主旱火災宮寺口舌寅
 陽徵火主旱火烽燧卯陽
 羽水主雨露水露辰陽商
 金主大將軍吏士巳陽角
 木主疾病憂恙午陰宮土
 主后妃未陰徵火主無人
 土功蜚燕詔誥書徵早申
 陰徵火主郵驛尉侯早火
 酉陰羽水主霜雪雷電沉
 陰宮戌陰商金主小將兵
 刃亥陰角木主死喪哭泣

六屬




乾納甲壬坤納乙癸
 八卦除乾坤餘六卦
 十干除甲壬乙癸餘
 六干庚屬震辛屬巽
 戊屬坎己屬離丙屬
 艮丁屬兌壬午屬庚
 丑未屬辛寅申屬戊
 卯酉屬己辰戌屬丙
 己亥屬丁是為六屬

六情



北方之情好行貪
 狼申子主之東方之
 情怒怒行陰賊亥卯
 主之南方之情惡惡
 行廉貞寅午主之西
 方之情喜喜行寬大
 巳酉主之上方之情
 樂樂行姤邪辰未主
 之下方之情哀哀行
 公正丑戌主之

本情



第一本情甲乙主之
 用本日支辰 按以
 甲乙主十二支故為
 甲子陽商乙丑陰商
 見前又按六情圖內
 子為貪狼丑為公正
 今用本日支辰故子
 仍為貪狼丑仍為公
 正餘倣此

合情



第二合情丙丁主之用本日支辰所合按以丙丁主十二支故為丙子陽羽丁丑陰羽見前人按六情圖內子原為貪狼丑原為公正今用本日支辰所合則子與丑合故子日為公正丑日為貪狼寅原為廉貞亥原為陰賊而寅與亥合故寅日為陰賊亥日為廉貞餘倣此

刑情



第三刑情戊己主之
 用本日支辰所刑
 按以戊己主十二支
 故為戊子陽徵己丑
 陰徵納音又按六情
 圖內卯原為陰賊今
 取所刑子刑卯故子
 為陰賊子原為貪狼
 卯刑子故卯為貪狼
 餘倣此

衝情




第四衝情庚辛主之
 用本日支辰所衝
 按以庚辛主十二支
 故為庚子陽宮辛丑
 陰宮見前又按六情
 圖內子原為貪狼午
 原為廉貞今用所衝
 則子衝午故子為廉
 貞午衝子故午為貪
 狼餘倣此

鈎情



第五鈎情壬癸主之陽日
 用支後第三辰陰日用支
 前第三辰按以壬癸主
 十二支故為壬子陽角癸
 丑陰角見前又按子寅辰
 午申戌為陽支丑卯己未
 酉亥為陰支子為陽後三
 辰為酉酉為陰前三辰卯
 為子故子鈎酉子日取酉
 之寬大酉鈎子酉日取子
 之貪狼餘做此

三辰八角



按三辰者謂申子辰巳酉丑亥卯未寅午戌為三合之辰也八角即八卦辟殺反吉抵誕念爭等名無甚義理玩占載此今仍有之其風占附於末

歲首風占

史記天官書凡候歲美惡謹候歲始歲始或冬至日產氣始萌臘明日人衆卒歲一會飲食發陽氣故曰初歲正月旦王者歲首立春日四時之卒始也四始者候之日而漢魏鮮集臘明正月旦決八風風從南方來大旱西南小旱西方有兵西北戎菽為集解為成也小雨趣兵北方為中歲東方北為上歲東方大水東南民有疾疫歲惡故八風各以其衝對課多者為勝多勝少久勝亟疾勝徐旦至食為麥食至日昃為稷昃至舖為黍舖至下舖為菽下舖至日入為麻

觀象玩占京房占正月朔日候八風從乾來有憂兵坎來有

大水艮來人疾疫歲內有蟲蝗震來陽氣干歲大旱有喪巽
來年內多風傷五穀離來歲旱大熱多火災坤來有疾疫兌
來有兵事

管窺輯要正朔之風從乾來小雨兵起坎來大雨艮來歲穰
震來大水巽來民疫離來大旱坤來小旱兌來無災黃帝占
曰歲旦天氣清和溫潤風不鳴條若有雲逆日具歲美無疾
疫沛公正占曰正月朔日大風發屋折木揚沙動石具歲大
惡

八節風占

觀象玩占立春正月節其日晴明少雲歲熟陰則旱蟲傷禾

豆風從乾來。暴霜殺物。穀稼貴。坎來。冬大寒。胡兵內侵。艮來。
五穀熟。震來。氣洩。物不成。巽來。多風。蟲離來。早傷物。坤來。春
寒。六月水人多愁。土功。兌來。早霜。兵起。春分二月中。其日
東方有青雲。歲熟。晴明。物不成。風從乾來。歲多寒。金鐵倍貴。
坎來。豆穀不成。民饑疾。艮來。夏不熟。來貴一倍。震來。五穀成。
亦無盜賊。巽來。蟲生。四月多暴寒。離來。五月先水。後旱。坤來。
小水。人多瘧疾。兌來。春寒。八月國有憂。有兵。立夏日。南方
有赤雲。歲豐。晴明。則旱。風從乾來。其年凶饑。夏霜麥不刈。坎
來。多雨水。魚行人道。艮來。山崩地動。人疫。震來。雷不時擊。物
異。來。其年大熟。離來。夏旱禾焦。坤來。萬物夭傷。兌來。蝗蟲大

作夏至日南方有赤氣則熱晴明則旱風從乾來寒傷萬

物坎來寒暑不時夏月多寒艮來山水暴出震來八月人多

疾巽來九月風落草木離來五穀熟坤來六月雨水橫流兌

來秋多雨霜立秋日有白雲及小雨則吉晴明物不成風

從乾來甚寒多雨坎來冬多雪多陰寒艮來秋氣不和震來

秋多雨電人不和草木再榮巽來內兵猝起離來兵戎不利

多旱坤來五穀熟兌來兵起將行秋分日西方有白雲則

善晴明物不成風從乾來人多相掠坎來多寒艮來十二月

多陰寒震來人疫再花不實巽來十月多風離來兵動國南

七百里坤來土功興兌來五穀大收立冬日晴明小寒人

君吉天下喜、風從乾來君令行、天下安、坎來冬雪殺走獸艮
來地氣洩、人多病、震來人不安、居多寒、巽來冬溫、明年夏旱
離來明年五月大疫、坤來水泛溢、魚鹽倍多、兌來妖言為幻
兵在山澤、冬至日有雲雪、冬^其明年大豐、暗明物不成、風從
乾來強國有憂、多寒、坎來歲美人安、艮來正月多陰、震來雷
不發、大雨併、巽來百蟲害物、離來冬溫、乳母多死、水旱不時
人疫、坤來蟲傷苗、多水、兌來明年秋多雨、兵起、立夏巽卦
王風從乾來為一逆、小凶、立春艮卦王風從坤來為二逆、兵
起、立秋坤卦王風從艮來為三逆、穀無實、立冬乾卦王風從
巽來為四逆、人去其鄉、秋分兌卦王風從震來為五逆、帶刀

入市冬至坎卦王風從離來為六逆人民潰散夏至離卦王
風從坎來為七逆臣子為亂春分震卦王風從兌來為八逆
殿上有利客已上八逆風若帶刑殺昏寒日色白濁大凶
乙巳略例八節風占立春艮兌巽春分震坤乾風去地尺餘
擺樹枝小有聲不動塵黃白雲滿天天氣晴明是謂景風應
水之氣則節令調和忠良在位萬物成熟歲美國安若夾小
雨則百果實立夏巽兌艮夏至離艮乾風去地尺餘樹枝
小有聲不動塵天氣和暖紫赤雲在日上下或徧天是謂祥
風應火之氣則節令調和君明臣賢萬物阜成民安國昌若
風先慢後急揚沙吹塵黑氣漲天則萬物不成人多病立

秋坤乾震秋分兌巽艮風去地尺餘擺樹鳴條不動塵蒼白
雲端天是謂和風應金之氣則時令調和民物阜成人主壽
康兵戎不興若走石吹沙先慢後急日光沉沒天昏冥來年
春人不安立冬乾震坤冬至坎坤巽風去地尺餘蜺蜺不
動塵編天白黑薄雲氣色和平是謂德風應水之氣則陰陽
調和萬物成熟民安國昌四夷效順若走石揚沙先慢後急
日色晦冥明年麥損蟲生五果不實凡八節之日風從三
合六合及天門上來皆為吉慶

四時八方風占

開元占物理論曰風者陰陽氣激發而起者也猶人之內氣

見喜怒哀樂激起而發也故春氣濡其風溫以和喜風也夏
氣隆其風燥以怒怒風也秋氣勁其風清而貞清風也冬氣
石其風燥以烈固風也此四正之風也又有四維之風東北
明庶風庶物出幽入明也東南融風其道以長也西南清和
百喜備成也西北不周風萬物潛藏也此八風者方土異氣
徐疾不同和平則順逆則凶非有使之者也氣積自然怒則
飛沙揚礫發屋折樹喜則不搖枝動草順物布氣天地之性
自然之體也

觀象玩占凡乾坤艮巽上風起蜺蜺鳴條拂樹落葉夾雜微
雨或小有二聲雷者亦曰祥風五穀成天下安凡四季

月風從乾坤艮巽上來天子有德令凡甲乙日風從坤來

丙丁日風從乾來庚辛日風從艮來壬癸日風從巽來戊己

日風從坤艮來動葉鳴條去地餘尺不揚塵沙風氣清和日

光明潔民安國昌五穀蕃熟凡乾為天門風起蓬勃乍紫

乍慢天色黃黑為火為旱為疫為米貴又曰風蓬勃鳴條天

色黃黑王相徵大旱百果不成王相角疾疫王相商兵動物

貴王相羽蟲生人饑王相宮君有德令萬物成巽為地戶

風起吹沙走石有聲如雷如牛吼有大水一日以上止西南

方人多疫東南方人半疫蟲虎傷害人二日止來年國有大

水災坤為人門風出去地尺餘不動塵沙風氣清爽日光

明潔徧天有黃赤雲氣國有大慶大抵坤上風吉多凶少有非常之風又當以五音六情刑德言之 艮為鬼門有風吹沙走石有聲如千萬人呼風氣昏黑天色晦冥民多疾病牛馬疫死五穀不成應在來年西南為衝方人多病死鬼出人見之 凡戌己屬中宮無刑衝寄於乾坤艮巽皆為土位主中國之君若戌日風發於乾坤艮巽在辰戌丑未之時戌日為陽己日為陰其風又止於辰戌丑未之方則為天子有德令天下安寧歲美人樂 凡風常發坤方其氣暄熱主旱常發艮方其氣淒涼主多陰雨 天門上發風擺落木葉而天氣晴明日光輝盛者天子有德令天下臣民皆喜 北方坎

風名曰廣莫風主冬至四十五日京房曰四時暴風起北方
主盜賊起天下兵皆動令人病濕帶下不能起居東北艮
風名曰條風主立春四十五日四時暴風起東北方鬼行人
道多旱疫天下水令人病洩變容東方震風名曰明庶風
主春分四十五日四時暴風起東方人流盜起相攻天下旱
實霜歲饑令人病變節四肢不可動搖東南巽風名曰清
明風主立夏四十五日四時暴風起東南方人多病洩痢乳
婦暴病死南方離風名曰景風主夏至四十五日四時暴
風起南方有火災來年旱人多病熱生瘡目盲西南坤風
名曰涼風主立秋四十五日四時暴風起西南方天下兵動

日月失色令人食不入口病腰脊骨膝肩背皆腫 西方兌
風名曰闔闔風主秋分四十五日四時暴風起西方主秋旱
霜天下兵動人多患瘡疥癰 西北方乾風名曰不周風主
立冬四十五日四時暴風起西北方天下大饑有盜賊相攻
人流亡有神不起日月失色地動人多病疽疥癰惡瘡疾疫
死喪 右八方暴風但風起其方即依上古京房曰八方風
候及八卦風氣春白夏黑秋赤冬黃皆為下逆上兵革動各
隨其部日辰占之乾為折風一曰衝風坎為大剛風艮為凶
風震為嬰兒風巽為弱風離為大弱風坤為陰謀風一曰諛
風兌為小弱風已上八風折木發屋飛沙走石三日不雨則

占大凡風為陽雨為陰陽怒得陰則解故風怒得雨而解。

四時干支風占

觀象玩占凡春甲夏丙秋庚冬壬四季月戌為四時天子風若順時於歲月日德上來止於德合時方其風鳴條擺樹不走沙石天氣溫和日色明朗者天子有德天下治安五穀豐熟四夷聽順國有大喜凡春甲乙寅卯日夏丙丁巳午日秋庚辛申酉日冬壬癸亥子日有風鳴條帶雨不驟民安物成凡春庚辛申酉日夏壬癸亥子日秋丙丁巳午日冬戊己辰戌丑未日風起擺樹鳴條或夾雨雪揚沙塵呼怒有聲皆為人民不安萬物不成凡春甲寅夏甲午秋甲申冬甲

于日天門乾上有風鳴條落葉有赦五穀大熟凡子日風

從午上來午日風從于上來甲日風從庚上來壬日風從丙

上來皆為衝破甲乙日風從庚辛申酉上來壬癸日風從辰

戌丑未上來皆為刑克其餘准此其風暴起勃亂寒慘陰濁

皆為大憂五穀傷人不安凡春甲子夏丙子秋庚子冬壬

子四季月戊子謂之天甲子春甲子日風雨有赦夏丙子日

風雨兵起刑獄興秋庚子日風雨有威賞之令冬壬子日風

雨當進賢人四季戊子日風雨歲熟國安有赦令凡風驟

起吹沙走石拔木半日一日而止當視太歲干支若在刑衝

上來君怒欲行誅殺不出三日米貴有旱澇之災在德及合

上果不出三日有德令 巫咸曰諸甲日大風丙丁日必雨
不雨則海中兵起乙日大風粟貴邊夷內侵丙日大風有猝
兵來固邊城丁日大風天傷物人畜俱有疫有旱戊己日大
風土功興食物貴庚辛日大風蟲生人病宜急防邊壬癸日
大風北夷侵邊子日大風兵起水中丑日大風粟猝貴寅日
大風黃赤氣四塞有火災卯日大風蟲蝗大起辰日大風人
民移堡居集火將出行巳日大風有大旱午日大風邊防事
急未日大風土功大作申日大風暴賊攻劫穀貴酉日大風
肅肅濡潤大雨水災戌日大風胡兵大起亥日大風兵賊相
攻人民哭泣己上不論五音六情但風起鳴條以上叫怒蓬

勃揚沙走石折木發屋吹塵漲天日色昏沉天氣寒慘則依上占之仍以久暫言其災之大小

五音風占

觀象玩占五音相動風占宮日風從子午宮來為宮動宮主人君出行急風暴起急出有急令慢風慢出有喜令以日干占知遠近宮日風從陽宮來山陵崩壞人君出行地動旱有功風從陰宮來地震裂若后出行又為旱一曰陽宮之日風從子午宮來君出行陰宮之日風從子午宮來后出行宮日風從子午宮來時加子午為重宮君欲行大臣走又為風雨不調宮日風從丑未寅申徵來為宮動徵有火燭有土功寶

物出有兵時加徵為重徵有義兵行有土功有詔令謂之義
風宮日風起卯酉羽來為宮動羽且有大雨不則大臣出走
若復為旱宮君羽臣君怒臣走時加羽為重羽即有雨五穀
成宮日風從辰戌商來為宮動商有兵行且有客兵來時加
辰戌為重商有兵殃宮日風從巳亥角來為宮動角有兵戰
人主憂客兵傷有喪從陽角來邊兵戰有喪時加巳亥為重
角有喪伐宮日大風從乾來有暴雨湧水若風不揚塵氣色
和暢日光明盛不寒慘者國有善令民衆水湧地裂異來蝗
蟲生害五穀坤來有土功走獸為害巳上時加宮則占 徵
日風從陽宮來土功起大旱火災風從陰宮來有疾病時加

徵為重徵有土功火災起徵日風從丑寅陽徵來有火災走
獸為人害從王相來大旱風從未申陰徵來六畜多死時加
丑寅未申為重徵為火事徵日風從陽商來有急兵期七日
若七十日從陰商來邊有急兵戰一曰風從陽商來輔臣強
大臣死民有殃以日占國徵日風從陽羽來四鄰有事寶物
出陰盛於陽且有雷電霜雹諸侯大臣多失火四夷有兵從
陰羽來寶物出多震電四夷有事徵日風從陽角來有兵邊
有急亦為有喪從陰角來邊有驚火一曰邊兵起春有喪
羽日風從陽宮來人持財物聚君有吏令邊兵起土功興將
受命有集會有寒雪雹風從陰宮來暴寒傷物有水有土功

兵集羽日風從陽微來國有兵有急令臣有憂關梁塞道路
不通從陰微來邊兵憂羽日風從羽來有白衣聚有喪大寒
雪雹期五日若五十日且有大雨雨從南方來國有憂人多
病雨從北方來賊聚水中且有雪雹陽羽日應陰羽夜應羽
日風從商來有兵圍城不戰邊急關梁不通大雨客軍不利
羽日風從角來邊有兵圍城城破一日兵不解時加己亥為
重角有圍城有喪商日風從陽宮來有急兵從陰宮來兵
起北方商日風從微來國邑受令兵行將在外兵還不戰臣
受兵令而行一日有小旱時加微為重微有火有大旱商日
風從羽來大雨水歲荒國憂亂有兵起東方商日風從陽商

來有白衣聚衆且有大雨闔梁不通大將出忌外兵邑有小
寇兵在西方從陰商衆國有殃粟貴邑有兵風怒期七日七
十日有急令兵起商日風從陽角上來有猝兵有急令從陰
角上來有喪土功作 角日風從陽宮來兵從中起從陰宮
來有喪貴人多疾病有土功角日風從徵上來大臣災亦防
火燕生粟貴一曰吏檢人財有兵倉粟寶物出角日風前羽從
上來有大雨土功興邊有兵卿大夫多口舌疾病亦為夷人
相奪角日風從商來有急兵一曰臣不忠角日風從陽角上
來邊兵起有賊至戰不勝多死亡從陰角來有兵有喪一曰
遠喪至時加角有喪有邊兵戰盜賊起粟貴民饑野多死人

已上係古風占書及樂產本李淳風刪其煩亂著之於占然陰陽五音所主亦有不同宜細詳之五音風聲占李淳風曰凡占風必知風之情曉風之聲五音者五行之聲宮風聲如牛鳴窖中隆隆如雷鼓響徵風聲如奔馬如炎火如縛彘駭走羽風聲如擊濕鼓如麋鹿鳴子如水揚波激氣相磋商風聲如離羣羊如叩鐘磬如蜚羽之集如鳴咽流水鳴聲感人角風聲如千人語垠垠然令人悲哀如人叫啾啾如嘯如呼如雉登木宮風發屋折木有土功且有急令盜賊人饑徵風發屋折木有火災或有妖言羽風發屋折木貴人以水為憂珍寶出商風發屋折木有急令兵起糴貴角風發屋折木

有賊聞戰糴貴有疫癘已上係風聲占與日辰五音不同然亦須以日辰來方相參課之

六情風占

觀象玩占北方之情好水也好行貪狼申子主之水生於申盛於子其性趨下浸淫漸漬觸物而潤故其情為好好而無厭則為貪婪故謂之貪狼主貪財嗜利強奪橫取欺詭詐騙攻劫盜竊之事其日風從本方上來不出七日闔梁驚不則自兵往攻他界貪狼之日時加貪狼風從貪狼上來有盜賊劫奪人財禍起北方若寒急昏慘則傷人不則小盜公正上來有報仇怨者揚兵相擊歲在月丑未大凶姦邪上來有惡

人持物至廉貞上來有人持物相賂寬大上來有人持禮相
候欲求財物陰賊上來有人以陰賊事相連引不則出外為
獸所傷貪狼之日時加姦邪陰賊風從姦邪或陰賊上來必
有盜賊劫殺之事東方之情怒木也怒行陰賊亥卯主之
木生於亥盛於卯其性屈曲受水而生貫土而出陰映閉匿
故其情為怒怒而還賊所養故謂之陰賊主陰謀陷害屈曲
邪佞叛逆戰鬪暴戾殺傷之事其日風從本方來不出七日
有陰賊入偷營斫寨事陰賊之日時加陰賊風從陰賊上來
有賊格闘所在部內必傷人貪狼上來有賊自爭財相殺公
正上來外人謀內寬大上來告客行財與人廉貞上來有巢

穴之士為人所劫。一曰士人為劫。姦邪上來有伺隙為盜者。陰賊之日時加貪狼風從姦邪上來或止貪狼陰賊必有盜賊逆亂殺人之事。南方之情惡火也。惡行廉貞寅午主之火生於寅。威於午。其性猛烈無所容納。故其情為惡。惡則忌惡疾邪不染污穢。故謂之廉貞。主賓客禮儀嫁娶燕享園議忠信舉用賢良遷官慶賞之事。其日風從本方來有相辯怨事。一曰有長者千里來相慶賀。廉貞之日時加廉貞風從廉貞上來清和調暢有貴人慶賀宴樂若帶刑殺或昏冥寒慘則因而生怒。貪狼上來有人爭財。一曰有客來求財物寬大上采有遷官召命貴客酒食宴樂。一曰有人以財物來求好。

公正上來貴人有事相問一曰有報仇怨者姦邪上來有人
上符文召發事不則有姦人計設相結陰賊上來有賊欲劫
竊不帶刑殺無害廉貞之日時加寬大風從廉貞或寬大上
來或止寬大有貴人以酒食來相樂西方之情喜金也喜
行寬大己酉主之金生於己盛於酉其性剛利利及加物無
不寬大故其情喜荒主秋成乾體天故謂之寬大主福祿賞
賜酒食施與貴人君子聚集賜賀覃恩賞賚之事其日風從
本方來兵在外不戰有喜寬大之日時加寬大風從寬大上
來有貴人請召飲食賜與姦邪上來有妖人為怪婦人欺夫
一曰有來我不虞以為欺者貪狼上來有爭財者一曰有惡

人相遺物。廉貞上來有遷官賞賜。陰賊上來防陰賊詭計。公正上來貴人召問。寬大之日時加廉貞。或寬大風從廉貞。寬大上來有貴客至喜慶事。上方之情樂樂行姦邪辰未主之。上方北與東也。陽氣之所萌生。故為上方辰窮水也。未窮木也。木落歸本。水流歸末。木利在亥。水利在申。利而無阻。故樂水性。智智窮則姦。木性上出窮則旁行。故謂之姦邪。主欺紿不信。淫佚和惡。藏善與惡。姦邪疾病之事。其日風從本方來。七日內有賊。若陰人誑詐虛驚。一曰風清和帶德則為婚姻。往來寒慄帶殺則為姦為賊。姦邪之日時加姦邪風從姦邪上來。主人見謀若出。遇疾病陰賊上來有宿怨者相攻有。

流血公正上來有人欲報仇怨庶貞上來有文書若以姦盜
相引貪狼上來有賊謀持物去寬大上來有人相請因酒食
生病姦邪之日時加陰賊有風從寬大上來有人持酒禮相
候謀賊害者 下方之情哀哀生公正丑戌主之下方南與
酉也陰氣之所萌生故為下方戌窮火也丑窮金也金剛火
強各歸其鄉火刑於午金刑於酉午與酉火金之盛也盛時
受制至窮而無所歸故衰火性無私金性至剛故為公正主
報怨復仇主諫諍主驚恐主兵主誅暴亂主訟其日風從本
方來有忠臣直諫國有喜報仇有功兩軍相守大將來降不
出七日敵兵自敗公正之日時加公正有風從公正上來更

人相爭、仇人報怨、陰賊上來、下人陵上、姦邪上來、人有欲告
言、却吏私財物者、貪狼上來、有亡失、逐蹤相牽引、有吏人爭
財相傷、廉貞上來、有遷官、寬大上來、出逢酒食、公正之日、時
加廉貞風從姦邪上來、有誠信之士、執仇而來、詐人

出軍風占

觀象玩占凡初出軍日時風從後來衝霧捲雲人壯馬嘶旌
旗前指鼓角響亮者全勝風從旁來而向前者得天之助獲
敵資糧敵人來降風從地上五音相生之方來生我為母靖
子受我之生為子扶母天色清明風氣條暢者必勝凡初出
軍及三日內行次風常逆來衝我旌旗不舉人氣怯馬不嘶

或後或前或從旁起吹塵揚沙瀟瀟勃勃人馬行步無跡此
名鬼風兵出必有挫敗當且止以觀便宜凡出軍三日內道
逢急風甚雨沾濕人馬咸不能行者不利出軍連日昏霧沉
沉風聲錯亂密雲不雨皆防下人有謀凡出軍之日風雲不
興草木不動賊不可得凡軍初出有旋風從旁起直至軍前
飄轉引導者軍必大勝若從敵上來宜急設備軍行有迴風
相觸者中道而還無功軍行有大旋風起軍前右迴繞者將
死左迴者得敵糧出軍有飄風驟來牙旗摧折旗幡繞竿或
下垂者交戰死軍行而旗指後者兵不利出軍而風逆來雨
不沾衣名曰天泣軍必敗若交戰而風雨從前驟來逆衝謂

之落尸當其衝者大敗出軍纔下營旗鼓方張而有暴風來掩軍幕傾撤干戈摧倒者大凶凡軍出之日風從五音相生之地來天色不昏亂者前行有功若天氣昏濁風勢滯勃寒慘往必有戰以時方日辰分主客以歲月日時德刑分勝負仍以五音六情詳之凡入敵境三日內有風雨雷霆從我軍上發入彼軍為龍虎助戰大勝凡軍行敵境未遇敵人忽有急風來射我軍有雲乍西乍東迅速奔走者急防兵來凡兩敵相當先分八卦以察主客勝負若風從西北乾上或正北坎上或東北艮上皆為利客宜先舉若從正東震上東南巽上或正南離上來皆為利主宜後舉若從西南坤上起

主人有謀不成主客俱不利若從正西兌上來客有伏兵主人宜設備不備必敗風從乾上來客舉兵必獲主糧又曰乾為折風位西北風從折上來主人將死客勝坎為大罡風位正北風從大罡上來利先發主人不勝客勝艮為小罡位東北風從小罡上來主人不勝客勝震為究風亦曰嬰兒風位正東風從嬰兒上來客軍不勝主人勝巽為小弱位東南風從小弱上來利後發客軍不勝主人勝離為大弱位正南風從大弱上來敵方至利後發客軍不勝主人勝坤為諫風位西南風從諫上來利後發客軍不勝主人勝兌為衝風位正西利先發主人不勝客勝兩軍相當陳師原野未知勝負以

先舉入他人地者為客，後舉自居其地者為主。當以日納音占客，以時及風起之方占主。若有大風起，以五行刑克決之。相刑則戰，比和不戰。若時方俱為納音所克，宜先動，急擊之以應為客。時方共克納音，宜堅陳固守，待彼先動，以應為主。兩軍相當，暴風忽起，從三刑五墓上來，昏塵蔽天，鮮葉茂條皆落，乍起乍止者，前後皆有伏兵掩人不備。若天色清明，風不寒克者不成。兩軍相當，有風從歲月日時刑上來，勢大而遲緩者，宜備賊來有大戰。若風勢急速，乍起乍止者，有狂賊至小戰。以日納音與風起時方占勝敗。兩軍相守，有八難風，生必須迴避。此時敵若來攻，軍必敗。八難風者，偏歷八方迴。

旋不定拔木發屋吹塵蔽天若在敵軍上宜急攻之在我軍
宜嚴備若軍在路上逢之宜令弱兵先退奇兵漸進強弩勁
騎向敵翼而回之兩軍相守未戰忽有風從彼軍方來初起
蓬勃及至我軍而低小蕭索其兵止十里外不戰諸商日大
風折木從丑寅未申上起比連三日客軍大敗將死若主人
力弱客亦自退若紙微風起在微月寬大時客軍急退不退
其軍不疾疫死則自潰散凡時方克納音者依此四季受角
之日大風從四季上來時加于午客兵入界自相殺四季受
商日同陰賊之日風從陰賊上來賊自殺其主將凡寬大之
日時加丑戌風從寬大上來大寒慘者賊自相殺商日怒風

從陰賊上來賊自殺其主將凡寬大之日時加丑戌風從寬
大上來止寬大者大兵解散四季之日風從己酉上來賊兵
解散廣貞之日風從己酉寬大上來天氣清和者敵兵退散
若從四激上來敵兵自退四激者春戌夏丑秋辰冬未也凡
四季受宮之日丙戌丙辰辛未辛丑是也風從寬大若四季上來皆為敵
軍來降 凡坐營相守有急風從敵上來正射我軍上而復
下或止而復起必有大兵欲來攻襲宜早備之若攻入城未
下而有此風則有殺兵自外至若入敵界已得城池猶有未
下邑壘而有此風必有兵來戰寒慄帶刑殺必須嚴備凡與
敵相守營寨上有旋風歷過者隨所歷有冠至宜急備之旋

風自敵上來入我營中敵欲降如挾刑殺而來者敵欲攻我
宜備之營中旋風頻起而出者不可以戰急移營去之旋風
入營泰土發屋倒戈撒幕急備不虞若旋風自外入彼城營
急從入處攻拔之旋風吹物上空在城營中兵不利宜固守
諸羽日怒風從商上起揚沙晝晦有兵來攻城邑若至日中
夜半風甚怒此時攻城不下客軍必敗諸角日大風勃怒從
申子亥卯上來大寒昏慘至夜半或日中其風益怒連三日
以上有大兵起攻城城必陷主人宜出遊之夜半日中子午
時也純宮屬土日辰角木克之利為客不利為主故攻城則
必陷諸商日怒風從子午上來時加子午日光冥晦不利主

人宜防內兵自亂凡姦邪受宮之日怒風從宮上來止四季
風氣寒慘城中兵亂夜鼓長吏四出不禁凡有兵圍城視諸
商之日有風從丑上來比連三日以上至七日客軍敗退丑
商墓也又為陽徵商金過之兵敗將死凡日中夜半風從申
子亥卯上來夜發晝止日中大寒不解敵必夜來攻城劫營
凡扶搖獨鹿之風猝起營中營中有反者 邊夷水賊風占
凡壬辰日主東夷風從辰上起七日至九日東方海賊動乙
未日主南夷風從未上起比連七日南蠻反叛內侵郡國壬
戌主西夷風從戌上起七日以上西羌反叛癸丑主北夷風
從丑上起七日若九日匈奴大入邊邑己上風勃怒呼吼則

占 五音主客占凡日辰納音為客風從所從來之方為主
人日辰納音者甲子乙丑商丙寅丁卯徵是也風來之方子
午為宮丑寅未申為徵是也假令甲子納音商為金而風從
未申丑寅上來為商動徵徵火克金主人勝若風從己亥上
來為商動角角木受制于金客勝他倣此又日辰納音為客
加時為主人假令丙寅納音是火風起之時時加辰戌為徵動商
動羽羽水克徵火主人得羽主人勝若時加辰戌為徵動商
商金受徵火克主人得商則為客勝他倣此又如甲子商客
也時加丑未寅申為主人勝而風又從丑寅未申上來即是
兩火共攻一金主人於是大勝餘准此又風從日刑上來客

勝時刑上采主人勝此亦謂時與日相刑也凡言客主之法
軍從遠來者為客居其地者為主又先起者為客後應之者
為主若兩軍相持以先動者為客後動者為主如兩人相擊
以先舉手者為客不動及後舉手者為主有氣勝無氣敗凡
言主客者莫不準此三刑相會假令丑日時加戌風從天上
來大寒克者必大戰流血客主俱傷所以然者丑刑戌風從
未上來又刑丑而成又刑未此三刑俱會也法主大戰流血
申日時加寅風從已上來者同占子日時加卯風從子來客
大勝主人多死傷風從卯來主人勝辰午酉亥自刑之日風
從其上來客勝若時加辰午酉亥風從其上來則主人勝凡

風從三刑上來非惟兵戰百事皆凶刑上來發疾刑下來發
遲假令子日刑在卯風從子來為從刑上來風從卯來為從
刑下來風從刑上來為客利從刑下來為主利餘同 占
風知兵立春正月戊申二月己酉三月庚戌有暴風七日夜
不止兵起西方立夏四月辛亥五月壬子六月癸丑有暴風
從北方來七日夜不止兵起北方立秋七月甲寅八月乙卯
九月丙辰有暴風從南方來七日夜不止兵起東方立冬十
月丁巳十一月戊午十二月己未有暴風從東方來七日夜
不止兵起南方凡貪狼姦邪之日怒風蓬勃風從陰賊貪狼
上來寒慘昏濁又與歲月日刑相會或墓殺相會必有急兵

至無兵為猝兵起

飄風占

觀象玩占飄風回風也扶搖羊角災輪皆其類也自下而上直至於天亦有自上下者通謂之旋風旋風起宮宅中以六情言清和吉王相有氣亦吉凶死為凶旋風猝起宮宅之內或從外入拂人衣物發人屋宇皆為有卒暴事若從歲月日時從上起來或止於德方德合之方或寬大日辰值德合之時王相有氣則有吉事若從歲月日時刑衝墓殺上來或止刑殺墓方或日辰凶死勝時下皆為凶事貪狼陰賊姦邪之日凶旋風入室中飄揚衣物當憂財物驚火宮日旋風起宮

宅中為鬪訟為囚係為縣官有連引事若起道路從內向外衝上吉商日旋風起宮宅中有人持酒肉來角日憂疾病微日憂火羽日憂失財物凡行道見旋風從正南來有酒食若時加巳酉皆大吉旋風起吉方兩處夾道隨人行者重吉久不滅亦無他但從凶地來即凶行道有旋風從前面來逆衝人者勿前防有伏匿相謀以時下五音德刑占之旋風急從後來逐人亦以其日支干納音時加刑德五音六情占之又以清和為吉寒濁為凶旋風旁起前行或橫衝而過皆凶並用日辰刑克占之旋風從人本命墓上來而值之為疾病旋風從歲月日時總上來皆為有酒食慶賀吉事凡行道之次

忽遇暴風旋風當以行年決之若風來哭人從廉貞寬大公
正上來與人本命相生則為歡喜酒食相迎從姦邪陰賊貪
狼上來與人本命相妨宜妨侵謀相害若逢勃寒冥又加刑
殺禍至旋風入宮闕中一日再三名曰太陽戒不出一年兵
起

雜風占

觀象玩占凡風頻從歲月總合上來日色明盛天氣清和謂
之祥風其占為用賢人遠小人天下偃兵萬物阜凡風聲貼
耳不調頻從三刑歲衝上來謂之妖風其占為用小人遠君
子旱澇不節天下凶凡風從歲月日時刑衝上來止於刑衝

昔大臣災蝗蟲生釁貴有火災以日占國 三辰八角風占
凡風從辱上來有耻辱事從殺上來有暴相殺行道逢之有
相殺之人來過從反上來有反逆不順之事從吉上來有喜
慶事行道逢之有賢人君子相見酒食宴樂從抵上來有非
理抵觸王貴人相中人休廢庶人囚死罪人從誕上來有妄
誕之人相欺結從忿上來有非理忿爭之事從爭上來有姦
人爭財物宮宅之中回風亦可用此占 田家五行夏秋
之交大風反有海沙雲起俗呼謂之風潮古人名之曰颶風
言其具四方之風故名颶風有此風必有霖淫大雨同作甚
則拔木偃禾壞房室決堤堰其先必有如斷虹之狀者見名

曰魁母航海之人見此則又名破帆風凡風單日起單日止
幾日起幾日止諺云西南轉西北搖繩采絳屋又云半夜五
更西天明後倒枝又云日晚風和明朝再多又云惡風盡日
沒入云日出三竿不急便寬大凡風日出之時必略盡謂之
風讓日大抵風自日內起者必善夜起者必毒日內息者亦
和夜半息必大凍已上並言隆冬之風諺云風急雨落人急
客作又云東風急備簑笠風急雲起愈急必雨諺云東北風
雨太公言艮方風雨卒難得晴俗名曰牛筋風雨指丑位故
也諺云行得春風有夏雨言有夏雨應時可種田也非謂水
必大也經驗諺云春風踏脚報言易轉方如人傳報不停脚

也一云既吹一日南風必還一日北風報答也二說俱應諺
云西南早到晏弗動草言早有此風向晚必靜諺云南風尾
北風頭言南風愈吹愈急北風初起便大春南夏北有風必
雨冬天南風三兩日必有雪